

## Caka - Kisndam Deftere Ceniinde - Salvation Scriptures

Aafisanko'en 2:2 E carel ngel on tokka date duuniyaaru kallude; on tokka Ceydan laamiido ginni. Kanko woni tokkinoowo berde ganyube tokka ko Yehowah wi'i.

Maatiyu 6:10 Laamu maada wara, ko ngiddaa wadee nder duuniyaaru, no dum wadirtee e dow.

Luka 22:42 "Nyaako am Mo Dow, taa jabii, ittanam jardugel torra ka'a. Fuu e non, naa' ko ngidumi wadetee, ammaa ko ngiddaa wadee."

Yahaya 16:7-9 Ammaa e mi wi'a'on goonga, ngam beydaari moodon ndillaymi. Ngam to mi dillaayi, dum don Ballaydum warantaa'on. Ammaa to mi dillii, mi liloaydum to moodon. 8 To dum waroyii, dum hollay yimbe duuniyaaru be paamaayi boddum ko woni hakke, e aadilaaku Yehowah, e kiita maako. 9 Be paamaayi ko woni hakke, ngam be koolaakiyam.

2 Timooti 2:10 Ngam maajum mi munyii nder koo dume ngam yimbe be Yehowah subi, ngam kambe maa be keba kisndam to Yeesu Almasiihu, hawti e mangu tabbitaydum.

Roomanko'en 15:20,21 Ko woni nder bernde am woni mi wa'ajina Habaru Beldum to yimbe be meedaayi nanki habaru Almasiihu, ngam to' mi maha dow to goddo fuddi mahuki. 21 Non no dum windiraa, "Yimbe be meedaayi hokkeeki habaru maako be andaymo, nden ben don be meedaayi nanki habaru maako be paamay."

Kuude Lilaabe 2:36,37 "Ngam maajum e haani yimbe Israa'iila fuu tabbitina Yehowah subii Yeesu mo mbardon dow gaafaangal warta Almasiihu Jeydo Laamu." 37 Nde be nani boliide den, berde mabbe tayi, be mbi'i Biiturus e lilaabe horiibe, "Bandiraabe, dume min ngadata?"

Ibraaniyanko'en 4:2 Ngam en nanii Habaru Beldum, non no be nanridum.

Ammaa ko be nani dum nafaayibe, ngam carel ngel be nanidum, be njabaayidum.

Irmiya 24:7 - Maatiyu 22:37 Yeesu wi'imo, "Yidu Joomiraawo Yehowah maada e bernde maada fuu, e yonki maada fuu, e hakkiilo maada fuu.'

Kuude Lilaabe 16:14 Nder mabbe e woodi goddo debbo bi'eteedo Liidiya, yiwoydo gariiri Tayaatira kuloowo Yehowah. E mo soora kolte bodeeje de ceede. Joomiraawo mabbiit bernde maako o hettindanii ko Bulus wi'ata.

Maatiyu 13:14-16 Dow mabbe dum hebbini ko Yehowah wi'i daga honduko Icaaya, 'On ngaday ka nanuki, ammaa on paamataa koo sedda. On ngaday ka raaruki, ammaa on ngi'ataa koo sedda. 15 Ngam berde yimbe ben don de cembidde, nden be cukkii noppi mabbe, be mabbii gite mabbe, ngam to' be ngi'a e gite mabbe, to' be nana e noppi mabbe, be paama nder berde mabbe haa be ngarta to am, mi yamditina berde mabbe.' 16 "Ammaa onon, gite

moodon de barkidinaade ngam e de ngi'a, e noppi moodon ngam e di nana.  
Icaaya 6:9,10 - Kuude Lilaabe 28:27 Ngam berde lenyol ngo'ol njoorii. Be cukkii  
noppi mabbe, be mabbii gite mabbe, ngam to' be ngi'a e gite mabbe, to'  
noppi mabbe nana, to' berde mabbe paama, haa be ngarta to am, mi  
yamditinabe.' "

Markus 4:11,12 Sey o wi'ibe, "Onon on kokkaama faamuki sirru Laamu  
Yehowah, ammaa yimbe be ngalaa nder moodon, koo dume sey e misaalu,  
12 ngam, 'E be ndaara, ammaa be ngi'ataa. E be nana, ammaa be  
paamataa. Ngam to naa' non dum gadotoodum be nana, be tuuba, dum  
yaafanoobe.' "

Yahaya 12:39,40 Kanjum wadi be koolaakimo, ngam Annabi Icaaya wi'i donmaa  
Yehowah wi'i, 40 "Mi wumnii gite mabbe mi saatini berde mabbe, ngam to'  
be ngi'a e gite mabbe, be paama nder berde mabbe, be co"oo to am, mi  
yamditina berde mabbe."

Roomanko'en 11:7,8 Too, noye won don? Yimbe Israa'iila tampii keba ko  
dabbitata. Sedda nder mabbe kebidum, be Yehowah subi, ammaa koriibe  
dum saatinaniibe berde. 8 No aayaare wi'i, "Yehowah wartiriibe yimbe be  
ngalaa hakkiilo be ngalaa faamu. E be ngoodi gite, ammaa be ngi'ataa, e be  
ngoodi noppi, ammaa be nanataa, haa nde'e nyalnde."

2 Tesalonikanko'en 2:10,11 e koo iri deye kuude kallude yoyrayde yimbe  
kalkaybe. Yimbe ben kalkay ngam be nganyii be ngida goonga be kisa. 11  
Ngam non, Yehowah lildanaybe wembere mawnde ngam be njaba fewre,

Maatiyu 13:18-23 "Too, raa ma'ana misaalu demoowo on don. 19Fuu nanudo  
habaru Laamu Yehowah o hehtaayidum, sey Ceydan wara hocca ko dum  
aawi nder bernde maako. Dum don woni misaalu awdi njanundi dow datal.  
20 Janundi dow kaaye woni misaalu nanudo Wolde Yehowah don e don o  
jabande e beldum bernde. 21 Ammaa nde wolde nden walaa dadu nder  
bernde maako, o munyay carel sedda tan. To cadeele koo torra warii ngam  
wolde nden, don e don o yoofande. 22 Janundi nder gi'e woni misaalu nanbe  
Wolde Yehowah, ammaa wannuki e fii duuniyaaru, e yidde jawdi, biddi wolde  
nden kadinde wallukibe be ngada ko Yehowah yidi. 23 Ammaa awdi  
caakaandi dow leydi mbondi woni misaalu nando Wolde Yehowah, o  
faaminde bodsum, o wadi ko Yehowah wi'i, o huutinirinde haa o hebi  
beydaari. Goddo hebi nde 100, goddo boo hebi nde 60, goddo hebi nde 30."

2 Korintiyanko'en 3:15,16 Goonga, haa jooni to be njanganaama Attawra, lefel  
ngel e wumna berde mabbe. 16 Ammaa to neddo tuubii tokkii Joomiraawo,  
dum ittay lefel daga bernde maako.

Yuuca'u 11:3-7 - Maatiyu 11:28-30 "Ngaree to am on fuu dondiibe donje  
teddude, mi hokkay'on siptaare. 29 Tokkee ko mbi'aymi'on. Ekkitee to am,  
ngam e mi woodi hakkiilo, mi lestindo hoore, nden berde moodon mbaltoto.  
30 Ngam ko mbiimi'on ngadon dum sadaa waduki, nden dongal am teddaa."

Kuude Lilaabe 26:18 A wumtinaybe, be mburtoyoo nder nyiwre, be ngarta nder

jayngol, be mburtoo nder laamu Ceydan, be co"oo to Yehowah, ngam be keba yaafaneeki hakke, be natta nder yimbe gartube ceniibe ngam be koolakeyam.'

- 2 Timooti 2:24-26 Doole to' kuwanoowo Joomiraawo meeden warta giiddo hawre, ammaa o warta gadanoowo yimbe ko woodi, bawdo ekkitinki, goodudo munyal. 25 O warta pamtinoowo geddoobe ekkitinol maako nder hakkiilo. Dum gadotoodum Yehowah wada be tuuba, be paama goonga, 26 be coptoo tarkowol Ceydan nangungolbe wartiribe gadoobe ko o yidi.

Wahayu Yahaya 3:17-19 On mbi'a, 'E min ngoodi risku. E min ngoodi jawdi, walaa ko min ndulli.' Ammaa on andaa on coybe on ngartii ko yurminii, on ngalanaa, on wumbe, on bornaaki. 18 Ngam non e mi hokka'on caawori. Coodee jiinaari to am dum um sediri hiite ngam ndiskon, e kolte daneeje ngam cudden balli moodon to' cemton, e nebbam ngam moytanon gite kebon ngi'on. 19 E mi habana be nginmi, mi hollitabe. Ngam non njawnee tuubee.

- 2 Korintiyanko'en 7:10 Ngam ciya nanki beldum iri ki Yehowah yidi e wada neddo tuuba heba kisndam. Ki wadataa o wi'a, "Daa e mi andunoo," ammaa ciya nanki beldum iri ki duuniyaaru e fooda mayde.

1 Laamiibe 18:37 - God turned heart back to God

2 Korintiyanko'en 4:4 Ceydan laamiido duuniyaaru ndu'u wumnii berde yimbe be koolaaki Yeesu, ngam to' be ngi'a jayngol Habaru Beldum dum teddungal Almasiihu nandudo e Yehowah.

Luka 8:11-15 O wi'i, "Raa ma'ana misaalu du'um: Awdi ndin woni Wolde Yehowah. 12 Njanundi dow datal woni nanube Wolde Yehowah, nden Ceydan wara hoccande daga nder berde mabbe, ngam to' be mbaawa jabukinde be kisa. 13 Njanundi dow hayre woni yimbe jabube Wolde Yehowah nder beldum bernde, ammaa nde walaa dadi, nde joodaaki nder berde mabbe. Be njabunde ngam carel sedda, ammaa nde dum foondibe, be njoofinde. 14 Awdi njanundi nder gi'e boo woni yimbe nanube Wolde nden, ammaa wannaare, e risku, e beldum duuniyaaru biddi berde mabbe, ngam non be mawnaayi nder datal Yehowah. 15 Ammaa awdi janundi dow leydi mbondi woni nanube Wolde Yehowah, be njogoonde bernde go'o, nder munyal be tokkande haa be ngada ko Yehowah yidi.

Kuude Lilaabe 15:11 Aa'a! Non no tokkirden Yeesu Joomiraawo kebden kisndam barka yidde maako, non kambe maa be kisrata."

Roomanko'en 8:13 Ngam to on ngada jonde no balli moodon ngidiri, on maayay. Ammaa barka Ruuhu Yehowah, to on mbarii kuude de balli moodon ngidi waduki, on kebay yonki ki re'ataa.